

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

۱۳۳۰

آدرس تبدیلینده آریجه
۵ غروش کوندرملیدر .

مکتوبلرک امضاری واضح
و اوقوناقلی اولسی و آبونه
صره نومروسنی محتوی
بولونمسی لازمددر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندردلدیکی زمان نهیه
دائر اولدینی بیلدیرلمسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

اسلام فتوحاتی

مسلمانان (اسویجر) و (روما) بی فتح ایتھلریدیر ؟

مصری بر فیقمرک مرهم انشاآنی

(لوزار) ده بولونان مشاہیر بحرین عربدن امیرشکیب ارسلان بک افندی اخیراً عربیہ ررفیقمرده نشرایتدیکی بر مقاله ده مسلمانلرک اسپانیای فتح ایتدکدن سوکره فرانسه نك جنوبه ده یرلشدکریخی و ایتالیا به صارقره رق (رومای) خاک ایله یکسان ایتدکریخی ، بوندن باشقه اسویجره ده کیره رک یوز سنه دن فضله اسویجره نك بر قسمته حاکم اولدقربیخی و (قوستانس) کولنک اطرافه قادار واردقربیخی یازمیشدر . بمضیری (روما) نك عربلر طرفدن فتحنک غیر معلوم اولدیغنی بیان ایتدکرنندن هندستانده کی (الجامعه) ررفیقمر (روما) نك عربلر طرفدن فتح اولونماسنک بر حقیقت تاریخیه اولدیغنی ، یالکزمؤلفات اسلامیه نك اوروپاده وقوع بولان بر جوق فتوحات اسلامیه بی اہمال ایتدیکی کبی بونی ده ذکر ایتدکریخی و هندستان افاضل علماسندن (ابوالکلام احمد) حضرتلرینک مسلمانلرک اسویجره بی فتح ایتھلری حقنہ بر ائرنده بیانات آئیہ ده بولوندیغنی یازمقده در :

وقتا کہ (بنوالاغاب) سجیلیاده وایتالیانک اقسام سائرہ جنوبیہ سندہ ثابت قدم اولدیلر و ساردونیایا مالطہ اطہلری حاکمیتلرینہ رام اولدی ایتالیانک ایجریلرنده ایلریہ مہمی و (روما) بی فتح ایتھ بی آرزو ایتدیلر . فرانسر مؤرخ (رہنبود Reénboud) و مؤرخ (یلده وەرچا Nael-Desvergers) ایتالیانک ۸۲۸ سنہ میلادیہ سندن ۸۷۸ سنہ میلادیہ سنہ قدر عربلرک هجوملری قارشیسندن صارصلدیغنی ، حق بر کتیبہ نك تایپر شہرینک اوزرنده واقع (اوستیہ) بی استیلا ایتدیکی و بوشہرک (روما) نك اوزمان لمانی بولوندیغنی ، دہا سوکره (روما) به ایکی دفعہ هجوم ایتدکریخی ، ایکنجی دفعہ ده شہرک حوالیسنه مواصلت ایدرک پاپلرک مقدس ایتھ سنی خاک ایله یکسان ایلدکریخی ذکر ایتھکده درلر .

آمریکا مؤرخلرندن (دردہر) ، علم و دین نزاعی حقنہ کی اثر مشہورنہ دیرکہ :

« مسلمانلر (روما) نك حوالیسنه مواصلت ایدرک مقدس کلیسانک مذبحی یقمشدر و بوندن طولانی پاپلرک پرستشکارلری مدہش بر بحرانه دوچار اولمشلردی . چونکہ بومذبحک یقلماسی پاپلرده توہم اولونان عظمت روحانیہ به یک آغیر بر ضربه ایدی . بونلر فاتحلرک مقدس بنایی چیکنہ یرک کچدکاری حالده باشلرینہ سہادن بر صاعقه دوشمیدیکی و پاپانک بونلرک یلری حرکتی طور دیرہ مدیغنی کورمشلردی . اسویجره نك فتحندن بحث ایدرکن مولانا ابوالکلام دیبورکہ :

« ۹۳۵ سنہ سندن عربلر اسویجره نك قابولرینی آچمشلر و بوتون فرانسر ساحلری اللرینہ دوشمشدی . عربلر اسویجره ده بر مدت قالمشلردر . »

عربلر ناصد آلداتیلمش ؟

« حجاز ، عثمانلی دولته تابع بر ولایتدی . ہرآی استانبول حکومتدن اون ایکی بیک آلتون آلردی . (مکہ مکرمہ) امیری حجازده حاکمدی . عثمانلی دولتی اون و حجازی عسکرلریله بحفاظہ ، و ہایلرک تجاوزاتی دفع ، حجازک آسایش و انضباطنی تأمین ایلردی . حرب عمومینک اعلانی اوزرینہ شریف حسین داعیہ استقلال ایله تورکیاہ قارشى حرکات اختلاجوانہ به تصدی ایلدی . شریف حسین حجازک حاکمی و حامیسی ایدی . بوکون ده فعلاً اولہ در . یالکیز بردکیشکلیک وار . چونکہ کندیسنه (امیر) دکل ، (ملک) دہ نیلیور . فقط بونک عقل و کیاست صاحبلی نزدنہ اہمیتی یوقدر . شیمدی ہرکس صوریور : عرب اولکلری شریفک عصیانندن نہ استفادہ ایتدی ؟ اولہ بواونکلرک وحدتی محفوظ ایدی . بوکون ایسہ بو وحدت تارمار اولدی . عرب ممالکینک ہر طرفی بر اجنبی دولتک الذ دوشدی .

عرب ولایتلرنده کی سیاسی جربانہ و قوف کسب ایتھ ایستہ یلر شو حقیقی بیلملیدرلر کہ شریف حسین متفقلرہ بازارلق ایدہ مامشدر شریف حسین متفقلرک طرفہ التحاق و اعلان عصیان ایتدیکی حالده حربک نہایتنہ مملکتک استقلالنی تأمین ایدہ جک ہیچ بر سندن امامشدر . بناء علیہ بادی امرده انکلترہ کندیسنه دوستلق کوسنردیکی زمان بودوستلقدن استفادہ ایدہ مامش و بو صورتہ ہم تورکری ، ہم انکلزلی الدن قاجیرمش و تک باشنہ قالمشدر . حال بوکہ و قیلہ بر طرفدن تورکار شابق امیر مککی عزل ایدرک شریف (حسین) ی مقام امارتہ کتیریور ، دیگر طرفدن انکلزلر اوکا ہر درلو توجہ و معاونت مالیه ده بولونیور ، بوندن باشقه عربلرده اوکا اطاعت ایدیورلردی . او قدر کہ شریف حسین عربلری عصیانہ دعوت ایدنجه امرینہ اطاعت ایتمشلر ، متفقلرک صفہ التحاق ایتشلر ، تورکاری جزیرہ العربدن چیقارمشلر ، متفقلرہ بر لکده حربک صوک دقیقہ سنہ قدر چالیشمشلردر . فقط عربلر ، حسینک وعدہ ایتدیکی وجہلہ ، استقلاللرینی قازانمق ایچون حرب ایتدکریخی ظن ایدیورلردی . (حسین) بونلرہ انکلترہ ایله بو اساسہ مستند بر معاہدہ عقد ایتدیکنی سویلہ یوردی . حال بوکہ حربک حتامی اوزرینہ عراق ، فلسطین و سوریه عربلری بو استقلال موعودی متفقلردن ایستہ مشلرہ ده بوطلی ہیچ دیکلہ یں بولونامش ، بناء علیہ (حسین) . دونہرک النده کی معاہدہ بی ابراز ایتھ سنی طلب